



Isumaqatigiissut

12-05-2025
Suliap normua 2024 - 5125
Allakap ilisarnaataa 24759544

Postboks 260
3900 Nuuk
Oqarasuaat (+299) 34 50 00
Nassitsigasuaat(+299) 34 66 66
E-mail: lian@nanoq.gl
www.naalakkersuisut.gl

Kommune Kujallip Namminersorlutillu Oqartussat akunnerminni suleqatigiinnissamik isumaqatigiissutaat

Isumaqatigiissusiortut

Suleqatigiinnissamik isumaqatigiissutip Kommune Kujallip Namminersorlutillu Oqartussat suleqatigiinnissaat sinaakkuserneqassaaq, Suleqatigiinnissamik isumaqatigiissuteqarnikkut Kommune Kujallermi allannguinnissamik pilersitsinissaq aamma pinaveersaartitsinikkut inissiisarnermilu ineriartortitsinermi allannguinnissaq isumaqatigiissutaavoq. Suleqatigiinnissamik isumaqatigiissutaat pisussaaffiliivoq Kommune Kujallermut kiisalu Namminersorlutik Oqartussanut suleqatigiinnissamillu isumaqatigiissuteqarneq pilersaarutaasunut suleqatigiinnissamik pisussaaffiliivoq. Kommune Kujalleq Namminersorlutillu Oqartussat suleqatigiittut naligiittut suleqatigiissapput. Suleqatigiittut pilersaarutit suliniutissat ataatsikkut peqatigiilluni toqqarneqartassapput aamma suleqatigiinnermi pilersaarutit akisussaaffigineqarneri Kommune Kujallermit Namminersorlutillu Oqartussanit akisussaaffigineqassapput.

Suleqatigiinnissamik isumaqatigiissuteqartut pilersaarutaat Naalakkersuisut politikikkut siusissukkut iliuuseqarneq, meeqqat inuusuttullu angerlarsimaffiup avataanut inissinneqartarnerat pillugu aamma tamassuminnga pinaveersaartitsineq anguniagaanni ersersinneqassaaq, soorlu 1) Angerlarsimaffiup avataanut allanik nutaamik meeqqanik inissiisarnarit pinaveersaartinneqarnissaat 2) Meeqqat angerlarsimaffiup avataanut inissinneqartarnerisa ajunnginnerusumik pitsaassuseqarnissaat. 3) Inissiinissaq periarfissatut kingullertut inissisimassaaq 4) Meeqqat inuusuttullu inissinneqarsimasut pillugit paasisutissat tunngaviusut pitsaanerulernissaat. 5) Angajoqqaanik suleqateqarnerup aamma katsorsaasarnepup annertunerusumik ukkatarineqarnerulernissaa. 6) Angerlarsimaffiup avataanut meeqqat inissinneqarsimasut angerlartinneqarnissaat.

Inatsisinut suliassa qarfiup iluani Meeqqat tapersersorneqarnissaannut Inatsisartut inatsisaannut tunngasut suliassa qarfiup atorunnaarsinneqartumut suleqatigiinnissamik isumaqatigiissummi suliniutaapput.

Tunuliaqut

Kommune Kujallip Namminersorlutillu Oqartussat akunnerminni suleqatigiinnissaminni pilersaarut piviusunngortinnissaanut sulissutigaa: Peqatigiilluni suliniuteqarneq. Suliniut 'peqatigiilluni suliniuteqarneq' uani Naalakkersuisut iliuusissatut pilersaarutaanniippoq 'Pitsaaliuinerit pitsaanerit, inissiinerit ikinnerit: Ilaqutariinni pitsaaliuinermit suliaqarnermut iliuusissatut pilersaarut 2023-2030'.



Kommune Kujallermi pinaveersaartitsinermut inissiisarnermullu suliassaqarfimmi anguniakkat ataatsimoorussat

Suleqatigiilluni pilersaarutini pinaveersaartitsinermi suliat ilaqutariinnut qajassuuttarialinnut inissisimasut nukittorsaaffigiarpavut. Sulissutiigiarpavut meeqqat inuusuttullu angerlarsimaffiup avataanut inissinneqartartut amerlassusaat kiisalu sivisuumik inissisimaneqartarnerat appartinniarparput.

Pilersaarutip siunertaa, anguniagaa aamma iluatsinnerinut ersiutit

Siunertaq

Kommune Kujallermi suleqatigiinnissamik pilersaarut aallartinneqassaaq allannguiniarluni aamma pinaveersaartitsinikkut inissiisarnermilu allannguiniarneq anguniarlugu.

Anguniagaaq 1

Suleqatigiinnermi pilersaarutitsinni Kommune Kujallermi meeqqat angerlarsimaffiup avataanut inissinneqartartut appartinneqarnissaat anguniagaraarput, Piffissami isumaqatigiissuteqarnerup nalaani Kommune Kujallermi meeqqat inuusuttullu 108-t angerlarsimaffiup avataanut inissinneqarsimapput¹. Anguniagaaq 1A) Meeqqat inuusuttullu angerlarsimaffiup avataanut inissineqarsimasut amerlassusaat appartinneqassaaq. Anguniagaaq 1B) Meeqqat angerlarsimaffiup avataanut inissinneqarsimasunut tunngasut suliat tamarmik maannamut ingerlaartut misissorneqassapput angerlartinneqarnissaallu periarfissaqarpat angerlartinneqassallutik.

Anguniakkamik iluatsitsinermut ersiutit 1:

- Anguniakkamut apuunneq 1A: Meeqqat inuusuttullu angerlarsimaffiup avataanut inissineqarsimasut amerlassusaat appartinneqarsimassaaq 10 % -imik ukiut marluk sinnerlugit qaangiunnerini. Ilaatigut anguniakkamut apuunneq: Meeqqat inuusuttullu angerlarsimaffiup avataanut inissineqarsimasut amerlassusaat appartinneqarsimassaaq 5 % -imik ukiut marluk sinnerlugit qaangiunnerini.
- Anguniakkamut apuunneq 1B: Meeqqat angerlarsimaffiup avataanut inissinneqarsimasunut tunngasut suliat tamarmik maannamut ingerlaartut misissorneqassapput angerlartinneqarnissaallu periarfissaqarpat angerlartinneqassallutik.

Anguniagaaq 2

Suleqatigiinnissamik isumaqatigiissuteqarnermi pilersitsiniarnermi anguniagarput naliliinissatsinnut atorineqassaaq. Naliliinermi tunngavigineqassapput paasissutissat amerlassusaat kiisalu pitsaassusilimmik misilittagaqarneq.

Anguniakkamik iluatsitsinermut ersiutit 2:

- Anguniakkamut apuunneq: Pilersaarutini suleqatigiinnerup nalilersorneqarnera piviusunngortinneqassaaq aamma Best Practices oqaasertalersorneqassapput.

Pilersaarutit sinaakkutissaat aamma imarisai

Suleqatigiilluni pilersaarut misiligitut suliniutaavoq ukiuni marlunni sivisussuseqartussaaq. Pilersaarutit piffissalernerparput: 2025 – 2026. Pilersaarutit pilersinniarni aallartisarnerini suleqatigiinnermi suliniutissat pilersinniagassat toqqarneqassapput taavalu piviusunngortinneqarnissaat aaliangersaaffigineqassaaq. Suleqatigiinnissamik isumaqatigiissummi piffissami suliniuteqarfiusumi Kommune Kujallermi Narsami,

¹ Tigusiffik: Kommune Kujalleq



Nanortalimmi Qaqortumilu Meeqqanut Inuusuttunullu suliaasaqarfimmi sulisunik suleqateqarnikkut oktobari 2024-mi workshopertitsinerimi suliniutit aalajangersarneqarsimasut suliarineqassapput.

Suleqatigiilluni pilersaarut misiligitutit suliniutaavoq. Misilittakkat, inassuteqaatit aamma pilersaarutinit Best Practices-it pilersitsiniarnerup naanerani nunami kommuninut allanut ingerlateqqinneqassapput. Tamatumunnga nuna tamakkerlugu pinaveersaartitsinermut inissiisarnermullu suliaasaqarfimmi pitsaassutsip qaffatsinneqarnissaa siunertarineqarpoq.

Aningaasalersorneqarnissaa

6 mio.-nit suleqatigiilluni Kommune Kujallermi pilersaarutitut piffissami 2025-2026-mi immikkoortinneqarput.

Pisussaaffeqatigiinneq

Suleqatigiilluni pilersaarutit pilersitsiniarnermi aqutsineq Kommune Kujallermit sinniisuutitanik aamma Meeqqanut Inuusuttunullu Naalakkersuisoqarfimmit Isumaginninnermullu Aqutsisoqarfimmit sinniisuutitanik pisussaafikkannik inuttaaffineqassaaq, pilersitsiniarnerip nalaani, suliniutit siuariartortumik ingerlajuarnissaat qulakkeerniarlugu isumasioqatigiinneq aamma killiffissiorluni ataatsimiittarnissaq qaammatit tamaasa pisassaaq. Killiffissiorluni ataatsimiinnermi siullermi pilersaarutit aqutsisut pappialakkut isumaqatigiissusiornermik suliaqassapput, tassanilu uku ersersinneqassapput: Pilersaarutit pilersinniarnersa nalaani qanoq imminnut attaveqatigiittarniersut, qanoq aaliangiinerit pisassanersut, anguniakkat suleqatigiinnissamilu naatsorsuutigisat. Isumaqatigiinnigissagunik iluarsiviginiallugu qanoq iliuuseqartarnissaq. Pappialaq una qaqinneqartassaaq, suleqatigiinnermi unammillernartoqaraangat. Isumaqatigiinninniarnissaq pisariaqartinneqarpat, aaqqiagiinnigissuteqarnermi qulaajaaneq imaluunniit suleqatigiit arlaat suleqatigiinnermit tunuarerusuppat, taava Meeqqanut Inuusuttunullu Naalakkersuisoqarfimmi pisortaq peqataatinneqassaq.

Naliliineq

Naliliineq paasissutissanik amerlasuunik aamma misilittakkanik pitsaasunik aallaaveqassaaq. Naliliineq atuisut misilittagaannik anguniakkanik ukuusunngaanneersuussapput: Suleqatigiilluni pilersaarusiortut sulisut, meeqqat inuusuttullu, ilaqutariit suliniuteqarfigineqarnermikkut sunnerneqartut. Kommunini allani suliniutit aallartisarneqarsinnaaneri siunertarlugu naliliinnermi inernerit, inassuteqaatit aamma Best Practices ingerlateqqinneqassapput. Naliliinnermi suliaq pisortatigoortumik tamanut nassiunneqassaq. Naliliineq aallartinneqassaaq kingusinnerpaamik pilersaarutit aallartinneqarneraniit ukiup ataatsip ingerlareernerani.

D. 13 maj 2025

Mads Pedersen

/

Malene Vahl Rasmussen